


新民會大綱之說明

宋家介著





12 2 11

MG
K265.6
32

新民會大綱

- 一、護持新政權以圖暢達民意
- 二、開發產業以安民生
- 三、發揚東方之文化道德
- 四、於勦共滅黨旗幟之下參加反共戰線
- 五、促進友鄰締盟之實現以供獻人類之和平



3 1797 8871 0

新民會大綱之說明


宋介

本會成立伊始，曾宣佈大綱五條，今特逐條加以說明，以奉告于全國民衆之前。

一、護持新政權以圖暢達民意

友軍西來，黨府崩潰，大局不變，民國更生，新政權成立于首都，五色旗飄揚于各地，呻吟黨府暴政十年之久，今得重見天日，吾儕民衆之欣悅爲何如乎。用是略述黨府罪惡，以明護持新政權之爲當然的必要焉。

國民黨以黨竊國，盤據金陵，歷十餘年，其禍國殃民



之罪狀，罄竹難書。自國民黨民十三改組以後，容納共黨，聯結蘇俄，翼藉外力以達到奪取政權之目的，包羅廷加倫之流，爲之內外指揮上下操縱，千百萬金盧布，以爲政費，黨費，軍費之資助，于是而國民革命成功矣。國民政府方成立于南京，卽與武漢政府宣告分裂，于是而有清共之役，竭全國之力，傾全國之兵，靡爛及于十餘省，而終未能將共黨消滅。及西安事變之後，國共忽又再度聯合，反覆無常以國事爲兒戲，以人民爲犧牲，共黨禍國之罪，國民黨應負其咎，其聯俄容共無異于引狼入室，開門揖盜也。國民黨秉政十年之中，紛紛擾擾內戰屢起，所謂寧漢

之爭，寧粵之爭，蔣氏與閻馮之爭，而國民黨軍與共產匪軍中間之血戰七八年，爲害之烈，尤爲吾國歷史上之所罕見。是國民黨本無統治全國之德望與實力，以致羣雄失馭，割據猶同藩鎮，此彼等之以內戰禍國尤甚于軍閥也。國民黨人雖抄襲英美瑞士民權之說，但以四萬萬人爲阿斗而應予以訓練，故將訓政期間無限延長，始終未辦選舉，國民代表大會始終未能成立，始終未能正式頒佈憲法，四萬萬人民，既無公民權利，實等于寡頭政治下之奴隸，其所謂選舉權，罷免權，創制權，複決權，乃等于畫餅充饑。又以其七八十萬之黨人，分佈于全國各地，箝制輿論，壓

迫民衆，擾害地方，破壞行政。正人君子稍持異議，卽以反動派，反革命之罪名加諸其身，或陰予暗殺，或明令處死，其武健嚴酷，與蘇俄政府，殆若伯仲也。國民黨人盛倡以黨治國，黨權高于一切，一切權利屬于黨等之荒謬口號，以爲獨攬政權之護符，而恣意以亂行。濫發內外公債，將近三十萬萬，增加人民負擔，斲喪國家元氣，其剝削之慘，賦稅之繁，爲民國以來所未有。其尤荒謬者，乃每年由國庫支出黨費七八千萬元，以養其黨人，此蘇俄共產黨所不敢爲者，而國民黨乃公然爲之。至於黨府要人，私人積資至數百萬，數千萬者，亦實繁有徒。故國民黨聚斂

害民之罪，尤爲天地所難容也。國民黨人秉政之初，高唱打倒一切帝國主義，取消一切不平等條約，始而聯俄，既而對俄絕交，又親英美，對於日本則始終施行遠交近攻之策，中日交涉，始終不肯與日本開誠相見以求澈底之解決，始而不抵抗，既而一面交涉一面抵抗，最近又妄行長期抗戰之焦土政策。昧于國際大勢，不明中日關係，外受英俄之操縱，內爲共黨所脅持，以至戰事蔓延，生民塗炭，兵連禍結，伊于胡底。此國民黨人之因外交錯誤遺害國家也。

是以全國民衆對國民黨人，無不痛心切齒，志士仁人

無不椎心泣血。以上所舉，不過其禍國罪狀之大焉者耳。人民呻吟暴政之下，十年之久，欲推翻之而苦壓于暴力不能得伸。今也友邦舉兵西來，在友邦則謂爲弔民伐罪，在吾輩民衆觀之，勿寧謂爲友軍代吾人而舉政治革命之義幟。故七月七日夜蘆溝橋之事變，與法國大革命，七月十四日黎明攻下巴士提爾之性質略同，不啻中國人民對黨府革命之開始也。人民雖痛恨黨府，如不藉友軍之助，實無自行革命之實力，今友軍西來甫及半年，華北肅清，南京陷落，中華民國臨時政府成立于北京，五色國旗飄揚于各地，民國由此甦生，民意由斯得伸，是以民國新政權，雖由

于友邦之協助，亦合于人民之期望，謂爲友邦膺懲黨府之成功也可，謂爲吾輩政治革命之成功也亦可，卽謂之爲友軍將黨人竊據之民國復取而還之吾輩人民亦無不可。此一般民衆所不可不深切認識之事實也。新政府既成立于此種形勢與意義之下，其必能體友邦之善意，依人民之期望，以樹立其建國之新猷，可斷言也。其必本諸東方之文化，王道之正軌，力圖振奮，痛除積弊，刷新庶政，與民更始，亦可預卜也。是以吾輩人民于黨府十年暴政之後，今乃得于新政權下而見光明之來臨，誠有撥雲霧而見天日之感，此一般民衆所以應竭誠擁護新政權也。尤有進者，過去

國民黨人一黨專政，雖倡民權主義，而民意並無宣達之機會，今後新政權之設施，則一本于王道。王道真諦，大中正，行仁履義，本堯舜禹湯，周公孔子之心傳，實現民胞物與，萬邦協和之盛世。且王道者天人合一之道也。「民之所欲，天必從之」，「天聰明，自我民聰明，天明畏，自我民明畏」等一類嘉言，散見于吾國書史者不一而足。故歷來賢明政府，深知民意即可代表天意，罔不體恤民隱，以邀天庥，而永國祚。在今後新政權下，民意必可逐漸暢達，而深契于王道之旨焉。

近年醉心歐化者流，以爲民主主義，可以實現民意。

然吾國版圖遼闊，交通不便，人口龐大，教育未能普及，議會制度行之諸多困難。故民主主義在吾國現在此種形情下，亦極難强行仿效而成功也。例如果依照英美選民與代議士之比例言之，則吾國議會，須有七八千人以上之代議士，試問此種議會尙能達到立法目的乎，尙能代表民意乎，此不過舉其一端而言之。英美議會制度既難仿行成功，今後果依何種制度表現民意乎。此近年來東方學者所以深切覺到王道政治之亟應提倡，以此乃東方固有之最高政治哲學，而最能暢達民意之制度。又何必舍其固有之良法，而強拾他人之餘唾乎。是以吾人如望民意之得達，民權之

得伸，不能不擁護新政權，以行王道之政治也。時至今日國勢大變，局面更新，凡共產黨國民黨，欺騙民衆的理論與行爲，皆因事實之證明，而胥成爲禍國之定讞。吾親愛之民衆乎，其亦憬然覺悟而及早回頭乎。樂土非遙，卽在目前，要在吾輩民衆能否竭誠擁護新政權，俾其走上王道之正軌耳。

二、開發產業以安民生

曠觀近代歷史，舉凡一切之變亂與流血慘劇，罔不肇端於民生之不安，民生究何爲而不安，則因失業者多。民國以來軍閥內亂，農村破產，農民無以爲生，加之機械工

業漸隨歐美之潮流以俱來，自爲生活之手工業不能不日即
殒落。于是無業游民，乃日益衆。愛生惡死，誰不如我，
饑寒交加，更何所不至，實徧處此，乃不得不挺而走險矣。
。蓋多數人民生活既搖動而不安，于是變亂發生連續不已
，都邑殘破生民塗炭，其慘劇乃愈演愈烈矣。由民元至今
二十餘年，禍亂相尋，迄無寧歲，故失業者益多，政費益
擴大，租稅益增加，人民益不聊生。于是排外也，革命也
，胥造因于此矣。國民黨秉政十餘年，養民之政，雖未之
見，而取民之法，則變本加厲，高舉外債以倍增政治上軍
事上之浪費，而愈益加重人民生活上新壓迫，使其生活

不安之程度，加速的強烈化，常此以往真不知將伊於胡底也。抑猶有進者，中國之民向分爲四，曰士，曰農，曰工，曰商，于此四者外更無生活方法與職業，有之則爲兵與匪耳，中國兵制，募得之兵絕無素有正當職業之良民，故充兵者百分之百，純係生活上之落伍者，是兵卽匪，匪亦兵也。祇所謂兵者受國家之保護，與有經常之收入，而匪則無之耳。生活落伍者愈多，則充兵者愈衆，經濟上反常狀態之復元亦愈不易，人民之生活乃愈惡，國家之地位乃愈險矣。兵匪之外復有所謂共，共亦生活上落伍之匪也。其兇殘尤非尋常之匪所能及，一旦有機可乘，則彼且透過

兵的組織，而侵入于治者之階級，最近國共既合作，則政治上之最高權，亦即落于共匪之手，乃更利用治者階級之地位，以造新階級之壓迫，如此而欲民生之安寧，殆所謂揚湯而止沸耳。夫民生之不安，既以生產落後，爲其主要之成因，如欲求其復歸於安寧，則舍開發產業外，又豈有他途。然吾國天然富源之豐富，人工之衆多雖可稱雄，資本與技術則殊落後，故中日合作開發產業，確有必要也。據統計家言，我本部十八省藏煤約九千九百萬噸，合之全國實超過一萬一千萬噸，佔世界最大煤藏國之第二，鐵之藏量據調查只就冀魯豫皖鄂蘇閩浙，諸省言之，已有

六萬六千餘萬噸，合之其他各省，當在十萬萬噸以上，當世界最大鐵藏國之第五，以及石油，錫銅銻鎢等等，均頗可觀。又農產之棉，雖不及美國印度，亦列第三，茶原出于中國，絲固向居首位，祇緣固步自封，以致日形衰退。更如豆麥菸糖麻油諸品，亦皆號爲大宗。至如中國之農工，其勞作力之偉大艱苦，世人殆難與匹，更不憂乎供給之貧乏，乃所缺者，惟資本與技術耳。

故居今日而言開發產業，其法有四，一曰利用外資，以謀經濟之合作，二曰借用友邦人材，以謀技術之改良，三曰建設鐵路港灣，以謀運輸之暢便，四曰刷新政治與社

會，以謀組織之健全與有力，誠以積貧如我國，大量之資，舍用外債，別無第二之法門，祇須不令官吏把持侵蝕，或移作別用，斯已足矣。至于中日合作，開發產業，是固互惠之事，又可加強反共之經濟資源，更可勿庸過慮也。技術者開發產業之工具，工欲善其事必先利其器，人材之不齊與用之而不得其宜，皆非所以圖功，故技術人材既非倉卒可以自備，則楚材普用原無不可。若夫交通港灣，爲交換原料出品之媒介，其要固不待言，即政治社會之組織，更無不息息與產業開發相關帶，推動指導，管理統制，以及獎勵保護種種，殆無不有賴于政治力量之運行。故望

新政府對於此種問題，予以深切之考慮，早日毅然爲計也。總之產業一日不開發，則人民之生活一日無法解決，民生一日不解決，是社會之狀況一日不能安定，故本會主張開發產業以安民生，實爲我國目前當務之急也。

三、發揚東方之文化道德

所謂東方之文化道德，乃別于西方之文化道德而言。西方歐美是也，東方亞洲是也。東西兩域，種族之來源與發展，既如彼其不同，則家國社會之構造及其孕育之思想，如文化與道德，自亦迥乎不相侔矣。近數年來，吾國妄人主張全盤歐化，蔑棄國學，毀謗孔孟，推其極，非盡棄

我所固有，以完全奴從于西方之文化不止。然而西人天生碧眼黃髮，我國亦將碧眼黃髮乎，何其謬也。東方文化具有悠久之歷史，廣大精微，不可方物，立人倫之綱紀，爲萬世之楷模，乃我東方民族之瑰寶，誠宜及早發揚而振興之也。

近代歐美對于物與物的關係，研究發明，一日千里，自然科學誠進步矣。然對于人與人的關係，則仍多有待于調整，其倫常風紀，蓋去至善遠矣。歐美風氣既崇拜科學而注重物質矣。自然界既已克服，白種人遂成驕子，功利之所趨，英雄主義之所使，及唯物思想發達之結果，造成

上次歐洲大戰，流血經年，殺人無算，至今喘息未定，瘡痍未復，所謂西方之文化與道德乃至此也。物質固爲人類之所必需，然人類除物質外，自尙有其精神之生活。所謂已立立人，已達達人，以位天地，以育萬物，俯仰大化，一貫天人，斯爲人生之終極耳。所謂行其道不計其功，明其誼不計其利，又豈崇拜物質者之所能想像哉。抑猶有進者，西方偏重物質，似可以解決其物質問題矣。然曠觀各國，無論在資本制度下，或共產制度下，其情況究若何，大多數人需要物質之供給又若何。世界之不景氣，殆爲公開不可掩之事實。龐大工廠之倒閉與巨量人民之失業，

乃時有所聞，其紛擾艱難之狀殆甚顯然。是則其弊不在物質之本身，而實超于物質之上也，是亦西方文化道德之所賜耳。

所謂東方之文化道德，大體言之，卽孔教之文化與道德也。孔教之文化與道德，乃調和中庸之文化與道德也。不偏之謂中，不易之謂庸，調和使之無過無不及也。惟其特色在中庸，故能調和世界各種難解決之問題。善哉西儒費希禮氏之言曰「孔子集羣聖之大成，故孔教根本之深，不惟在已往，且有功效于將來，不惟深入中國之人心，且有功效于世界」。又李佳白氏亦有言曰「孔教原理爲人類

共通之原理，不但中國當行，外國亦當行，不但中國通行，外國亦已通行。今孔教徒雖未布滿世界，然孔教之理，固不能不通行于世界者。此非鄙人之諛詞，因孔教之理，既爲人類共通之原理，不但奉孔教者一以孔教爲依歸，即不奉孔教者亦不能與孔教相違反。……故實言之，凡違反孔教之理而欲爲文明國人者，乃事理上之不可能」。

孔教者與政治，社會，道德，關聯最切之教也。所謂「大學之道，在明明德，在新民，在止於至善」。明德也，新民也，至善也，此孔教對於政治之最終目的也。曰「自天子至於庶人，一是皆以修身爲本」，此孔教政治清濁

之源也。曰「物格而後知致，知致而後意誠，意誠而後心正，心正而後身修，身修而後家齊，家齊而後國治，國治而後天下平」，此孔教教人內聖外王之工夫次第也。曰君仁，臣敬，父慈，子孝，夫義，婦順，兄友，弟恭，朋友有信，各盡其道。曰仁，曰義，曰禮，曰智，曰信，此孔教教人之五倫及五常也。曰「天命之謂性，率性之謂道，修道之謂教」，此孔教教理之大本也。然則孔聖之道，其博大高深，誠可謂自生民以來之所未有矣。

綜括言之，非發揚我東方之文化道德，東方民族不能復興，世界各國，亦不能得救。故在我固爲振興固有之文

化，然亦即爲創造世界之新文化。是以本會成立之始，卽以此爲本會五大綱之一。然此非惟本會之責任，亦我中國全體人民之責任。日本亦爲東方文化之民族，故中日兩大民族，尤應携手一致前進，以共同肩負此神聖之責任。凡我孔聖之徒，衛道之士，其必同情于本會之主張，可斷言也。

四、於剿共滅黨旗幟之下參加反共戰線

天禍中國，共黨猖獗，推原禍始，實肇端于民十三國民黨之聯俄容共。國民黨人引狼入室，開門揖盜，因以造成蹂躪十除省，禍亂八九年之浩劫，能勿痛哉。自理論上

言之，共產主義與東方文化之精神，至爲矛盾。東方民族信仰佛教，崇拜孔孟，尙道德，愛和平，講仁義，敦親善，已數千年于茲。與共產黨之以「恨的哲學」爲出發點，而盛倡階級鬥爭，世界革命者，迥不相同。我國人口，農民佔百分之八十以上。工業既不發達，並無勞資階級之對立，雖欲造作階級意識以煽動社會革命，又焉有可能。以百年前西洋的一種理論，強欲移植于中國之今日，其爲背謬，尤不問可知。再就事實上言之，俄國共黨革命之初，其破壞之烈，殺戮之慘，已爲舉世所深知。中國共產黨人更變本加厲，所至之地，燒殺淫掠，城市多變爲瓦礫，鄉

村盡成爲廢墟。更復破壞禮教，毀滅倫常，將吾國民族固有之美德，與數千年立國之根本，皆不惜一掃而盡之。于禍國殃民之外，更爲吾東方文化道德之蝨賊，是與歐美共產黨又不可同日語也。中國共產黨人遙受第三國際東方部的指揮，又以蘇俄爲後援。藉蘇俄黨人之指導，與盧布之接濟，到處活動，肆意宣傳，因其手段之狡滑，方法之詭密，對於青年之誘惑，民衆之煽動，往往墮其術中而不自知。是以若令共產黨人成功，整個中國勢必步外蒙之後塵，一變而爲蘇俄之附庸。所謂赤色帝國主義之侵略陰謀，其毒辣巧妙竟至于此。第三國際世界革命西進路線，既不

克迅速成功，乃轉而採取東進路線，首當其衝者，卽爲中日兩國。共產黨人又以其階級鬥爭，無產階級專政，反對宗教信仰等之邪說，所至遭人民反對，乃改變面目，而又樹立人民陣線之招牌，以期混淆世界之耳目，而陰圖世界革命之成功。是以人民陣線，亦卽共產黨，乃一而二而一者也。新民會爲救國家，救民族，救東方文化道德于萬劫不復計，是以大聲疾呼，樹立反共戰線。彼等有嚴密之組織，吾人亦須有更嚴密之組織，彼等有龐大之民衆，吾人亦須有更龐大之民衆，始足以抵制赤化之蔓延，剷除共黨之根本也。共產黨人既以第三國際爲背景，是其所憑藉

者，乃有一種國際組織，以爲其聲援。故吾人爲加強反共陣線之實力計，爲擴大反共陣線之聲勢計，不但聯絡中國民衆，加入反共戰線，並應聯絡日本民衆亦加入反共戰線，以與歐洲之德意反共同志，遙相呼應。因中日兩大民族，同爲東方文化之柱石，同受赤禍之威脅，故必須結成生死不渝之同志，始足以排除赤化勢力于亞洲之外，而樹立東方永久和平之基礎也。尤有進者，本來國人對於國民黨之理論與行動，不無幾分之信賴，然此乃民十三以前之事。自國民黨民十三改組之後，其三民主義中，亦已雜入共產主義之理論。（如解釋民生主義卽社會主義亦卽共產主

義云云可見一般）國民革命軍之北伐，乃與共產黨携手而同進，是在彼時，國共已爲一家也。及西安事變之後，國共又秘密結合。最近國民黨藉口抗日救國，乃公然聯俄容共。今日渝漢之黨政府，其軀殼雖爲國民黨，其靈魂則已變爲共產黨矣。是以吾輩民衆，尤須認清，剿共即須滅黨，滅黨即須剿共。吾親愛之民衆乎，如欲免除赤禍，復興中國，其速加入反共戰線，而負起神聖之使命來。此使命爲何，積極的即接受新民會之領導，而爲共同一致之奮鬥。消極的即「父詔其子兄勉其弟」，勿受國共之煽動與宣傳，以自害而禍國是也。必如是，乃爲反共之鬥士，乃爲

救國之英雄。

五、促進友鄰締盟之實現以貢獻人類之和平

親仁善鄰，古有明訓，唇亡齒寒，勢所必至。日本吾國之仁鄰也，吾國唇齒之邦也，黨府竟忘親善之義，而昧唇齒之勢，豈不謬哉。中日兩國同文，同種，同教，同立國於亞洲之東，相距不過一衣帶水之隔，此天然應互相提攜之兄弟邦也。其所以屢生誤會，以致乖違者，蓋遠交近攻之政策，有以誤之，亦蘇俄之搆煽，英美之誘引，有以害之也。依賴歐美以圖僥倖，更以近幾年爲尤甚，以致造成此次不幸事變，兵連禍結，已歷半載，黨府誤國之罪，

至於此極。一誤不能再誤，亡羊尙可補牢。值茲黨府崩潰，民國甦生，新政權樹立於北京之日，誠應早日與友邦締盟，將中日懸案，澈底予以解決，對中日關係，根本予以調整，相親相善，共存共榮，豈不美哉。願略述兩國應及早締盟之理由，以告吾全國之民衆。

第三國際採取東進路線之後，兩國同感赤禍之威脅，自應締結防共協定，共同努力，以排除共產勢力于亞洲之外，此其一也。

兩國既欲共同反共，自應緩急相助，有無相通，日本有強大之武備，中國有雄厚之資源，合而爲一，豈但可以

對俄，抑且可以稱霸。且兩國合作，開發產業，乃爲互利之事，亟應及早實現，此其二也。

白人四出侵略，殖民地遍于五洲，如菲，如美，如澳，皆白人之禁巒，黃色人種不得問津焉。亞洲既強半歸於白人之掌握，吾國亦陷于半殖民地之地位。只有日本一國，逼處于亞洲極東之一隅。白人氣燄，咄咄逼人。倘中日不早結合，以維生存，以圖發展，則地球將成爲白種人之世界，此其三也。

隨白人帝國主義以俱來者，除政治與經濟的侵略外，尙有文化的侵略焉。吾國號稱新學者流，醉心西方物質科

學之盛，竟不惜盡棄其固有以從之。于是全盤歐化之謬論，竟風行一時。至於近年，共產邪說，更行猖獗。東方文化乃由衰落而將趨於滅亡。然文化乃民族精神之所寄託，文化亡則民族亦必隨之而亡，能無懼耶。日本亦爲東方文化之國，是以兩國爲振興東亞文化計，亦應密切結合，此其四也。

基于上述理由，吾國實應急與隣邦締盟，不但有利於兩國，抑且有益於世界。蓋十年以來，世人每多揣測，以爲二次世界大戰將爆發于太平洋，而其導火綫則起於中日紛爭。如今中日同盟，和好如初，則可以戢英美之野心，

破蘇俄之陰謀，二次大戰可以不起，其有益於人類和平，豈不甚大。故中日同盟，乃兩國之幸，亦世界之福也。本會之主張早與隣邦締盟者以此，想我民衆必能同情，政府必能採納也。

中華民國二十七年一月初版

版權所有
翻印必究

新民會大綱之說明一冊

每冊定價大洋一角

著者 宋 介

發行處 新民會中央指導部

印刷所 北京晨報社

代售處 各省市各大書店

